



17797

cat.komp.

I

Mag. St. Dr.

P

Witgocki Stanisław: Epitaphium in nuptias
Joan. Damiłowiczi et Sophiae Lotkine
skas

PANEG. et VITAE

Polon. 4^aN^o. 143.

Biblioteka Jagiellońska



stdr0004755



EPITHALAMION
IN NVPTIAS
ILLVSTRIS AC MA-
GNIFICI DOMINI D. IOAN-
nis Danilouicij De Zurow in Olesko, Stru-
ctoris Regni, Belzen. Korsunen.
Præfecti.

E T

LECTISSIMAE AC PVDICIS-
SIMAE VIRGINIS SOPHIAE,

ILLVSTRIS. AC FORTISSI-
mi Herois, Domini D. STANISLAI Zolkievski à Zol-
kiewv: Exercituum Regni Ductoris Campestris, Rubieszo-
uien. Kalusien. Kamionacen. Rohatinen.

PRÆFECTI
FILIAE.

SCRIPTVM

A Stanislao Vilgoeki.

Anno Domini DC. VI. supra M.

Z A M O S C I

Martinus Lenscius Acad. Typogr. excudebat.



IN INSIGNIA ANTIQVÆ AC
ILLVSTRIS PROSAPIÆ

DANILOVICIORVM



A Vrata vt rutilis radiant Iouis atria stellis;
Fulget sic natis Lechica terra suis.
Iam **DANILOVICII** quantum fulgere putandi,
Stemmata quæis stellæ Cynthia & ipsa data est?
Ferreæ quæsitum lumen demonstrat harundo,
Hostis quâ Patriæ sapè repulsus abijt.
Liuo, Gerhes narrat: testatur Prussia, Moschus:
Moldauus memorat, Kossacus vsque gemit.
Verùm quid soleæ miscent se hæc sydera equinæ?
Vt **DVCIS** ad famæ culmen eatur equis.

EPITHALA:
MION.

V Enit lata dies niueo signanda lapillo,
Carminè quâ vates claros celebrant Hymenæos,
Musa quâ cumulant felicitis gaudia tede,
Sponsi quâ celsum iactatur in æthera nomen.
Dexter ades cæptis citharæ moderator Apollo,
Ne tuus erret honos, argutum dirige plectrum.
Memnonis Oceani genitrix cõsurgit ab alto;
Terris flammiferi gratissima Prodroma currus:
Iamq; coruscantes cælo cita contrahit ignes,
Et veste ab rosea niueo rubet ipsa colore,
Campos per virides canam roratque pruina.
Interea diuis Heroibus editus orbi
Danlowicz, præstans veteri de gente propago,
Pace potens, pollens rationibus, utilis armis,
Post hostes apros solitus terrere feroces,
Flectere ludus equos, syluasq; accendere cornu,
In nemus ire parat venatum. Lecta patronum
Concomitata suum fert se de more inuentus:
Retia rara, plaga, ferro venabula acuto,

A ij

Sarma-

Sarmaticiq³ ruunt affecle, & odora carum vis.
Incedunt lati, sermonem & gaudia miscent,
Instauratq³ choros, humeris dant tela susurrum.
Atqui mens hominum nullius præsca Fati,
Cum minimè sperat, quod ei tum occurreret, habebit.

Postquā altos ventum in montes, nemora ilice
Et piceis atra steterunt sub lumina sylva, (opaca
En (è deiecti fas cernere vertice saxi)
Itq³ reditq³ frequens densissima turba ferarum;
Aspera decurrunt caprea fastigia montis,
Transmittunt campos alia de parte patentes
Pernici cursu, glomerantq³ fugam agmine cerui.
Cerui, de numero quorum pulcherrimus unus
Aurea gestabat sublata cornua fronte.

At Danouicius medijs è vallibus acrem
Exstimulauit equum, volucris iaculoq³ fatigat
Æripedem damam, teloq³ hanc proximus urget
Fervidus, haut dispar Phrygio de sanguine creto,
Armiger Elicij rapuit quem præpes ab Ida.
Hic quando iam iam vult figere corpore telum,
Ecce tibi subitò mirum sed amabile monstrum
Pusio; splendenti pharetra decoratus & arcu,
Candida Pegaseis vestitus tergora pennis,

Aurea

Aurea casaries capitis saturata salubri
Ambrosia succo, diuinum spirat odorem;
Lactea colla comæ circum vultusq³ pererrant
Purpureos; humeris vernanti flore relucet
Roscidula pinna, flatu turgentibus alis (bello,
Extrema pluma tremit, stant corpore membra gla-
Quale piget nunquam Venerem peperisse venustâ.
Talis per vastum ponit vestigia campum.

Insequier canibus tentat alij, abnuat Heros.
Hæc sibi sed quando longè miranda videntur,
Explorare novos conatur lumine vultus.
Accedit, nitidos & rectâ flectit ocellos
Tendentem, & pueri quæ sit præsentia lustrat.
Os humerosq³ Deus, Diuum pulcherrima imago,
Is inuisa plagis, terris incognita forma,
Vera Dei soboles, tantum decus enitet ore.
Respicit, obtutuq³ hæret defixus in vno.
Ille dolos plenus, sceleratas plenus & artes,
Vdam calce premit variato tramite terram,
Ac veluti ludens nunc huc nunc currit & illuc:
Tum demum spinis ictus pede claudicat vno.
Iamq³ velut gressu, casu defessus & isto,
In prato suaves violas fragrante resedit,

A iij

Imo

*Imo sollicitas fundens de pectore voces,
Et mæstis latè lustra inuia quæstibus implens.*

*Condoluere omnes percussaq; corda tenebāt,
Verum Venator nulli pietate secundus,
Motus pennigeri tanto languore puelli
Approperat, cupidus pridem sancta ora tueri;
Exceptumq; Deum blandis complectitur vlnis.
Dum potitur, nequeunt expleri corda tuendo.
Obstupuit, tanto præsentim munere letus. (tans
Marmorea atq; oculos per singula mēbra volu-
Miratur, digitos & mollia brachia palpat.
Miratur, sanctaq; ignarus imagine gaudet.
Attollens humero se faustum terq; beatum,
Cui viuo acciderit diam contingere prolem.
Dein dedit amplexus, & basia dulcia fixit.
Reddidit ille, simul durum spirauit amorem,
Occultumq; altis puer indidit ossibus ignem.
Insignis probitate Danilonicius Heros,
Ut sensit subitò calefactas igne medullas,
Sensit & extemplò, suaves tamē, ille dolores.
Tum puer alatus sparsa dulci ore cachinno,
Pernix nubiferas manifestò fugit in auras.
Sicq; Cupido albis pendebat in æthere pennis*

Pòst

*Pòst roseis rapidam pharetra pendēte sagittam
Depromens digitis, has rupit pectore voces.
O lux Sarmatiae, spes gentis magna Polonae,
Haut qui sim nosti, nostra haut tibi cognita virtus,
Me puerum esse putas? atqui puer iste Tonantem
Ipsum etiam inuictum celsa dimouit ab arce.
Nonq; semel tauri, satyri vel sumere formam,
Artus vel dios fluidum ire coëgit in imbrem.
Eia age, incundōne etiam pugnabis amorī?
Non satis, heu, fuerit cognosse Cupidinis arcus
Hac ætate viro: verum iuuēt vsque morari.*

*Vix ea fatus erat, cū telum torsit acutum,
Atq; cicatricem renouauit corde sepultam,
Adperuitq; viam, nixeo insuper addidit ore.
Non, generose, pauor tua viscera frāgat inanis,
Nam qui te læsit medicamen conferet idem.
Concipe spes, aderit præstanti corpore Nympha,
Nympha leuabit eas, quas nūc ego concito flāmas.
Dixit, & omniuagas iactantior explicat alas,
Nuncius atq; volat placida trans æquora matri.
Ocyor ignitis radijs, volucris ocyor Euro,
Est mons Eois fama celeberrimus oris,
Arduus, excelso contingens vertice nubes:*

Pernius

Peruius indigenis Diuis tantummodo sacris:
Heic absunt nimbi argentes, brumalis abest nix:
Heic non concieunt furiosi praelia venti.
Illic non curuo tellus versatur aratro,
Semina non quisquam serit, aut plantaria ponit;
Vltrò fundit humus salubres è viscere fructus,
Vltrò ipsæ quercus sudant prædulcia mella:
Omnia luxuries, cytheris Venus omnia tractat,
Omnia suaue sonant permanat ubiq; voluptas.
Floribus arua micant, viridantia gramina ridet.
Dulce melos. resonant aubus virgulta canoris.
Anteit formosus sequitur formosior annus.
Riuus vnda scatet, Zephyrus contemperat aurâ:
Sylua viret semper, rosa semper, perpetuū Ver.
Arca summus apex fusi planissima campi:
Circuit hunc fuluo sepes contexta metallo,
Intus Dædalica constructa palacia dextra,
Centum hyacintinis affabrè nixa columnis,
Sublimes mille excurrunt ad sydera turres:
Mœnia collucent auro, via strata pyropis:
Specula Chrysolithis nitet, inclyta curia gemmis,
Fassidibus vallum, duris magnetibus agger,
Pinna murorum cyana, pomeria sarda:

Porta

Porta margaritis, pratoria celsa topazis,
Fossa amethystis, viridi delubra smaragdo;
Hos circum inuicti stant propugnacula adamante.
Umbrosum medio nemus. huc admittitur ales,
Quæ probet ante suos Euplæa indice cantus.
Voluntur gemini per florea gramina fontes:
Dulcis hic, alter alit cum dulci melle venena:
Vnde Cupido suas solers armare sagittas.
Mille pharetrati saliunt in margine fratres,
Ore pares, æuo similes, forma omnibus una.
Hos Nympha faciles in lucem partibus edunt:
Nullum progeniuit natum Venus aurea solum,
Qui nutu cælum, Diuos, & Sydera torquet.
Ille ferit summos aurata cuspide reges:
Hi stolidi saltem figunt sua spicula vulgo.
Heic manet haud ullo conuincta Licentia nexu,
Nuda volans Paphia per splendida limina Diua.
Heic exlex populus, gens libera, mollis amorum,
Heic quicquid lubeat patrandi summa potestas:
Flexibiles ira, lacrymis permixtus Iacchus:
Gratus amor vires, vis firmat rursus amorem:
Iucundus timor, excubia, titubantia furta.
Audax Libertas, Lascinia lege soluta.

B

Hos

Hos inter fulgens rosea ceruice Iuuenta,
Cum sale cumq; iocis hilari comitante caterua,
Rugosum luco senium secludit amæno,
Et curas omnes. Cura hinc procul este prophana.
Campus odoriferas profert sine semine messes.

Quò postquã tranauit Amor leuibus longinquũ
Mensus iter pennis, successu elatior intrat.
Auleis tum fortè Cypri regina superbis
Reclinata sedet, solio suffulta corusco,
Auricomi fingens discrimina pura capilli:
Aurea sub pedibus velat subsellia sponda:
Adstant Coryciæ dextra læuq; sorores:
Frigat hac nectar, crinem hac calamistrat eburno,
Complicat arte comam variando tertia nexus.
Iudicio speculi facies non indiget ullo:
Nam paries speculis & tecta referta coruscis.
Proinde domus similem sibi fertq; refertq; decoram,
Quod probat illa videns, tum quãdo singula cernit,
Sua mentis nati properantis conspicit umbram,
Idaliũ & niueis manibus complexa puellum,
Oscula libauit vultus, oculos, ac talia fatur.

Quid mihi, quid portas? quæ, dic, noua gaudia
Exhilarât? quæ diuexas? quæ praelia sudas? (mëtem

Quis

Quis iacuit telis? num vasti rursus Olympi
Cogis cyneas rectorem sumere plumas?
An trudis nitidam saxorum in concava Phæben?
Typhona compefcis? triplicem aut vim Geryonai?
Expugnasse Deum, rabidumue Giganta videris.
Nescio; nilominus tamen esse quid autumo magnũ.
Nate, mea vires, mea lux, mea summa voluptas,
Dic age, perge precor, tandem rem expone recentem.

Sic Venus. At Veneris totiens it in oscula natus,
Sæpeq; auct matris collo dare brachia circum:
Sicq; harens laudandi edisserit ore negocj
Sydereo integram seriem. O pulcherrima mater,
O decus Idalii, genitrix carissima, montis,
Nulla heic insidia taleis, mea nec modo talem
Tella ferunt (ut ais) vim, tu desiste moueri:
Imò tuum capiat latum noua gaudia pectus.
Exiliamus io, latemur io, prægrande tropæum
In dextra est nostra: nostris gemit vsque sagittis
DAN LOVICIADES vera virtutis imago,
Delicia Aonidum, lux, gloria pulcra sororum.
Hic abauis vsque & proauis vetus ordinis hæres,
Non modò fortuna, quoq; stemmate clarus auito.
Forti Marte satus, docta altus lacte Minervæ,

B ij

Consi-

Consilio patriam defendit, sanguine, ferro: (luti:
Sumptibus haut parcat, parcat propria hautque sa-
Vnde SIGismundo Regi carissimus, aula
In decus est praesens: & Regni Structor, honorus
Korsuni Belzaeq, simul praefectus habetur.
At Danlouiciū solita est innataque virtus,
Claris vestigijs insistere uelle paternis.

Heic neq; Nicolaus sine munere laudis abibit
Longè & latè armis Aquilonjs notus in oris,
Notus & indomita Cocora ad declinā genti,
Quando Borystenidas rigido certamine duos
Funderet, atq; truces dispergeret ense cohortes.
Quippe manu dexter, superari & nescius armis:
Excellent animo, tum verò & cladibus asper.
In stipulam veluti dum lapsa ignita procella,
Aut summis currens rapido impete montibus imber,
Frangit agrum, sternit sata, deijcit rupibus ornos:
Sic quoque Nicolaus per densa manipula ruendo,
Seua dabat diro mucronibus agmina letho.
Hoc pugnasse modo fertur Telamonius Ajax,
Ardua dum starent antiqua mœnia Troia.
Eho, sarmatici praelustria sydera fratres,
Lechi Scipiadae, duo grandia fulmina belli.

Vestra

Vestra ego perpetuis celebrabo nomina metris,
Tantis pro meritis patriae, pro talibus ausis.

Hic ergo ut calidi persensit acumina teli,
Extemplo pulchram ardet amore peritq, SOPhiam.
Vritur infelix, est mollis flamma medullas,
Et laeso viuit corde immedicabile vulnus.
Grassatur, currit, totaq, vagatur in ade.
Qualis Thessalica coniectus harundine ceruus,
Quem procul in Nemeis conspectum lumine syluis
Graingenus pastor pascentem nilq, timentem
Confixit subito, liquitq, volatile ferrum:
Ille cruore madens, saltus lucosq, peragrat
Myrteos, haeret lateri felle illita cuspis. (ma:
Nunc stabula aggreditur, nunc Lemnia conspicit ar-
Incipit effari, mediamq, in gutture vocem
Restringit, sola hac iteratur in ore loquela.
Pulcra Sophia placet, Sophia unica bellula cordi est.
Talia perstabat memorans: Cythereia contra.

Nate Dea, vita cara mihi carior ipsa,
Quæ genus? unde domo prestans hac laude Sophia?
Ille sub hac alacris vultu ridente profatur.

Nosti Russiadum sub quo sit sydere terra,
Terra potens armis, & milite, & ubere gleba.

B iij

Heic

Heic polis est fului de nomine dicta leonis,
Turrigeras inter quæ alias caput extulit vrbes;
Excelsi nutu Iouis hæc natam edidit almam
Zolkieniam: vel veriùs hanc Zolkienius arcem
Condidit, atq; suo nomen de nomine finxit:
Vnde seges laudum matura metenda nepoti.
Hanc urbem esse iubet, castellū hoc surgere gaudet,
Præscribitq; forum, & populo dat iura vocato.
Heic demum ipse suos incundè transigit annos
Zolkienius, seclī decus admirabile nostri:
Sauromatum sydus, quo nōn rutilantiùs ullum:
Vna salus patriæ, sancti columnēq; Senati.
Huic celebrem affudit Pallas grauitatis honorem,
Qualis Neleida fuit olim pectore norma.
Princeps militiæ, Dux nulli Marte secundus,
Dextera per ferrum cuius spectata per hostes:
Ignarus vinci, caput insuperabile bello:
Quidni? corda animi nōne huic plenissima magni!
Armis, ingenio, fama super athera notus.
Ciuium amor, terræ decus & tutela Polona:
Est niuens candor, nulli sunt pectore fuci.
Si clarum excutias genus, vsque ab origine prima
Sanguine, stemmatibus proauū viget ille coruscis.

Quod

Quod mage, sublimis sua mens genus eminet ipsum,
Facta parum curat patrum, ni fecerit ipse
Quod decet & fas est. virtutem extendere factis.
Id putat esse boni ciuis, fert cætera sorti.
Proinde viam, vexit quæ cæli ad culmina patres,
Promptus et ipse premit. Moschus testatur acerbus,
Testatur Liuo, Germanus & ambitiosus,
Testatur petulans Kosacus, turmaq; feroces,
Quas domuit victor, Lerneam atq; Hercules hydrā.
Hinc insigne Ducis claua illi est credita Martis,
Qua comes eximio nunc ibat fidus Iano:
Quem modò sublimi cæli regione receptum
Amissum flemus, cunctis & flebimus annis.
Quippe Zamosciades tanto illum semper amore
Complexum tenuit, proprio de sanguine sponsam
Vt daret, affinisq; illi præstaret honorem:
Hinc gaudet magno Herbortū de stemmate creta
Coniuge, digna illis quas aurea finxerat ætas.
Quæ Triniæ formam, mores Iunonis adepta,
Penelopes nomen, castum Vestæq; pudorem,
Sola inuenta fuit Duce tanto digna marito.
Efficit hæc illum speciosa prole superbum:
Æquè sceptriferos decorant diademata reges.

Nec

Nec mirum est. Aquilis nō prodit in æthera miluus,
Nonq̃ volat turpis falconum viscere bubo.
Sed veluti vitis dulces fert fertilis uvas,
Sic sobolem illa suo dat pignora cara marito.
Istius hæc igitur nata est, ô Cypria mater,
Quam toties præsens memoro, formosa Sophia:
Atque huius facies roseo permixta colore,
Danlouiciadæ mentem perstrinxit Æora.

Talia verba serens matrem complexus amante.
Per te, per tua quæis me lactasti ubera mater,
Adsis ô felix, Æsydera pertrahæ dextra,
Meq̃ iuua, cæptumq̃ue simul decurre laborem:
Effice, namq̃ potes, cui vincla iugalia cura:
Obtineat, quæ optata sibi connubia poscit:
Iunge pares thalami sacrato fœdere mentes,
Quamq̃ amat, æternum foueat, seruetq̃ sepulcro.

Olli subridens hilari Venus aurea vultu,
Tales purpureo profudit ab ore loquelas.
Non dubita dabitur, dabitur tibi nate quod optas.
Annuo; digna tuis felicibus omnia cæptis.
Iungentur, veluti vites iunguntur oliuæ,
Littoribus myrtus, nemorosis rupibus orni: (mum.
Utq̃ tenax hedera hanc atq; hæc ultro implicat ol-

Isto-

Istorum arctus amor sic pectora stringet amica.
Conueniunt, aptè tua collimauit harundo,
Insignes ambo, memorandi nominis ambo.
Par benè compositum, par est virtutibus æquum.
Pulcra iuuat vitta præcingi tempora sponsam,
Flore iuuat picto decorari vertice sponsum.
Non quouis flore, aet æternum flore virenti.

Dixit, Æ ipsa suo confectum police sertum,
Rosmaride, atq; rosis, viridi lauro atq; amarātho,
Lilio; Æ eo is gemmis auroq̃ superbum,
Pieriis caro delegat munera IANO.
Talia procurans peplum currumq̃ poposcit,
Cui iuga crystallo fulgent formata nitenti,
Thermodoontiacò splendet temo metallo,
Cincta rota margo lucet candenti elephantò.
Huic iungit pasci solitos per Cypron olores,
Candida quæis rubeo sinuantur colla corallo.
Ergo iter arripuit, laxisq̃ indulgit habenis.
Cursu anteit ventos, feruens volat æthere rheda.
Fit fortuna comes, Iuno, Pomona, Tritonis,
Gratia, Flora, Ceres, Bromius, incunda Diis Pax.
Interea Hymen ouans mediis sonitum ære canoro
Edidit, insequitur melos, aura polusq̃ remugit,

C

Suauē

*Suauisonum strepitat murmur, vox aethera mulcet:
It caelo cantusq; Deum plaususq; Dearum.*

*Festina Aemonias iam praterlabitur urbes,
Fama ubi laurigerum resonare est carmina Phæbū.
Stridula sed quare sileant Heliconia tempe
Demirata stupet, secumq; examinat ipsa.
Quando igitur caussam perquirat & instat,
Pegasidum princeps his se cum vocibus offert.*

*O Dea Parnassi vicinas incolis oras,
Castaliis sacro & nescis quid agatur Hyampo.
Iam ver bis sextum, bis sexta reuoluitur ætas,
Cynthius ut vates, nos ter trinaq; sorores,
Vmbroso pindi Perrhebi colle relicto,
Suauiter incolimus Zamoscia clara Lycæa
Ingenio magni pellecta atque arte Zamosci I.
Cuius ob id nomen semper laudesq; manebunt,
Nonq; vnquam tanti marcescet gloria facti,
Nec Musas Lechum gremio fouisse pigebit.
Postquam suspensa Venus hanc bibit aure loquelā,
Serica cynorum reflexit lora trahentum,
Adq; Ducis torsit surgentes nomine muros.
Nec mora, quesitum currendo contigit aruum.
Hinc exaudiri cantus, & dulce sonare*

Aurea

*Aurea plectra lyra: concordant carmina nervis.
Thespiadum ipse regit cæcum Pataraus Apollo,
In medio residens, palla spectabilis aurea.
Has porro spargit voces resonabilis echo.
Vos o multifori nouit quos tibia buxi,
Functaq; Dulichia perdulcis fistula cera:
Vosq; chelym digito consueti tangere docto,
Mellifluas fremitu variando flectite voces:
Clangite tortilibus lituis; dent tympana plausum.
Mecum, mecum omnes thalamos celebrate iugales.
Conscende alipedem, conscende eia omine fausto
Inclyte Danlouici, nimium cupita admonet hora.
Ipse tibi en sonipes ostro decoratus & auro
Tergora purpureis submittit picta tapetis.
Qui quoq; dum domini presentit gaudia lati,
Colla superba effert, fremit hinnitu, intonat ungue.
Hunc ergo incuruum torquendo verbere gyrum,
Hospitis optati succede penatibus hospes.
Pacta fide ut firmes connubia sacra, sacramq;
Adportes pacem lecti cum pignore sponse.
Ingredere, Herois patet ecce tibi aula fauentis.
In generum ipse suum genitor te clarus adoptat:
Fato assignatum te expectat virgo maritum,*

C ij

Æthe-

Æthereis versus quoquò stipata Deabus.

Quas tamen hæc tantum superat, cælestibus aulis

Alma Venus quantum Nymphas supereminet omnes.

Præcipuas dotes cunctarum namq; Dearum,

Quæ quævis cunq; vigent, in sese continet una.

Tyndaris est vultum, rutilos Aurora capillos,

Leda genas, Thetis ora, pedes Titania, ocellos

Euridice, mentum Galathea, supercilia Ero,

Euphrosine frontem; vocalia pectora Sapho.

Mygdonio lapidi manus aut decus abstulit Indo

Denti: grata venit sic toto è corpore forma.

Immunis novo viciorum prorsus ab omni,

Sydereo facies, ut Latona, igne refulget.

Lactea figit ubi niueæ vestigia plante,

Pæstani subito visuntur crescere flores.

Sæua iocis placat freta, refrenat sale ventos,

Jura velutq; potens Magnes sub propria raptat.

Qua se cunque mouet, Syrios mouet illa vapores,

Serranisq; viam violis & gramine pingit.

Lucretiam pudor adpræsentat, sermo Thalam,

Perblandi risus Erycinam, Amaryllida gestus.

Quicquid agit, Iunone agit & Ione digna vel ipso,

O te felicem, felicem & JANE beatum,

D I

D I cuius gremio hoc munus posuere lubentes.

At meruit virtus tua præmia tanta tulisse.

Accipe delictum patris, accipe gaudia matris;

Accipe solamen, decus omne tui atque tuorum,

Numinibus numen Sophiam terrestribus ortam.

Jam tua, non dubita, est. propriam pater ipse dica-

Ite bonis aurbus concessi in fœdera lecti. (uit.

Hæc vobis, opto, connubia prospera cedant.

Vinite Nestore os ambo feliciter annos.

Moribus æqui, animo similes, virtute decori.

Vnum pectoribus regnabit velle duobus:

Limina Pax & Amor, thalamum Concordia vestrum

Ambiet: obstringet mensam arto Gratia nodo.

Herculeus vestro prodibit sanguine natus,

Cuius uterque parens in pulcris stabit ocellis:

Hic titulo proavos referens, virtute sat ores,

Flos Danlouicium, decus olim Z O L K I Euiorum,

Clarum à tot seclis nomen monstrabit auitum,

Veliuolo rutilans ubi profilit equore Titan,

Atq; ubi equos idem soluit temone volantes.

Et si fatidicis Vates agitamur ab auris,

Auspicio superum vos florida fata sequentur

Cursu indefesso, vicibus nutantibus absque,

C iij

Omnia

Omnia fausta suis tribuendo semper alumniis.
In frontispicio queis lumen fulsit amicis,
Isdem non alia lege astra benigna fauebunt,
Dum Ceres uncata labetur falce resecta,
Dum tepidus Ganges, glacialis dum fluet Jster.

DISTICHON.

Salutis humanæ annum 1605. Mensē
 Septembrem, eiusdem Mensis diē 25.
 nomina insuper sponsi & sponsæ
 numerum indicans.

Vna & qVarta qVater septeMbrIs L V X redit orbi,
 IanVs honesta tori sophlæ Infert I Vra nltentI.

IOANNES ZOLKIEWSKI

fausta Matrimonij vincula sorori
sua gratulatur.

Doctæ (si possunt iam quid mea verba) sorores,
 Nubenti, oro, meæ suffragia ferte sorori:
 Ut thalamos ineat felix & prospera sacros,
 Utque suos videat carissima pignora natos.



IOHANNES DE ...
...

...



